



**ԱՐՏԱԴՊՐՈՑԱԿԱՆ ԽՄԲԱԿԻ
ԾՐԱԳԻՐ
«Կարդան՝ պատանի՛
ընթերցասեր»**

*Վանաձորի Դանիել Վարուժանի անվան №16
հիմնական դպրոցի հայոց լեզվի և
գրականության ուսուցչուհի Աննա Գյուլինյան*

Բովանդակություն

1. Ծրագրի հակիրճ նկարագրություն	3
2. Բացատրագիր/հիմնավորումը	3
3. Ծրագրի կապը հանրակրթության պետական չափորոշչի հետ	4
4. Ծրագրի նպատակները	4
5. Վերջնարդյունքները	4
6. Պահանջվող նյութատեխնիկական բազա	5
7. Թեմատիկ պլանավորում	6
8. Աշխատանքների բովանդակությունը եւ իրականացման համառոտ բնութագիրը	10
9. Գրականության ցանկ	13
10. Հավելված	14

1. Ծրագրի հակիրճ նկարագրություն

Արտադպրոցական ընթերցանության խմբակի նպատակն է բարելավել և զարգացնել հանրակրթական դպրոցի 5-րդ դասարանում սովորողների ընթերցանության հմտությունները՝ թիրախավորելով գրավոր և բանավոր խոսքի զարգացումը, հարուստ բառապաշարի ձևավորումը և քննադատական մտածողության զարգացումը: Ընթերցանության շուրջ առկա հետազոտություններից պարզ է դառնում, որ ընթերցանության հմտության զարգացումը մեծ ու դրական ազդեցություն է ունենում աշակերտների ակադեմիական առաջընթացի ու ուսումնառության ընդհանուր մոտիվացիայի զարգացման և ձևավորման առումով: Ծրագիրը ներառելու է հետևյալ ժամաքանակը.

Կիսամյակ/շաբաթ	Դասաժամեր
Կիսամյակ 1/15 շաբաթ	30 դասաժամ
Կիսամյակ 2/19 շաբաթ	38 դասաժամ
Ընդհանուր՝ 34 շաբաթ	68 դասաժամ

2. Բացատրագիր/Հիմնավորում

Աշակերտների ընթերցանության հմտությունները ունեն մեծ

ազդեցություն նրանց ակադեմիական առաջադիմության վրա: Ընդ որում՝ սա վերաբերում է ոչ միայն մայրենի լեզվի ակադեմիական ուսումնառությանը, այլ առհասարակ բոլոր առարկաներին: Սրա պատճառն այն է, որ ընթերցանության զարգացած հմտության շնորհիվ աշակերտները կարողանում են հասկանալ և արդյունավետ կերպով ներգրավվել ուսումնական գործընթացում՝ ուսումնասիրելով և յուրացնելով առարկայի ակադեմիական բովանդակությունը (National Reading Panel, 2000):

Արտադասարանային ընթերցանությունը չափազանց կարևոր է միջին դպրոցում՝ հաշվի առնելով առարկայական ընդգրկուն շրջանակը, տարեցտարի բարդացող տեքստերը՝ դժվարըմբռնելի ձևաբանական և շարահյուսական ձևակերպումները, հարուստ բառապաշարը, որոնք մարտահրավերային են դարձնում հատկապես 5-րդ դասարանցիների ուսումնառությունը և հնարավորությունը բավարարել չափորոշիչ պահանջները: Այս մարտահրավերները մինչդեռ կարելի է չեզոքանել կամ նվազեցնել՝ ստեղծելով արտադասարանային ընթերցանության միջավայր, որի օգնությամբ սովորողները ձևավորում են հարուստ բառապաշար, զարգացնում բանավոր և գրավոր խոսք ձևակերպելու և ստեղծելու հմտությունները: Կուննիգհամի և Ստանովիչի (Cunningham and Stanovich, 2001) կողմից արված հետազոտությամբ պարզվել է, որ կա դրական հարաբերություն՝ ընթերցած նյութի ծավալի և բառապաշարի զարգացման միջև: Մասնավորապես՝ շատ ընթերցող երեխաներն առավել հարուստ բառապաշար ունեն, քան այն աշակերտները, որոնք քիչ կամ ընդհանրապես չեն ընթերցում: Միաժամանակ ընթերցասեր աշակերտները տեսնում են բառերը տարբեր համատեքստերում, տարաբնույթ իմաստներով, որը զարգացնում է տարբեր տեքստեր կարդալու և ըմբռնելու կարողությունը, ինչպես նաև օգնում է պարբերաբար հարստացնել բառապաշարը: Սրան զուգահեռ պարզվել է, որ դրական փոխահարաբերություն կա՝ ընթերցանության և քերականության միջև (Nagy, Berninger, and Abbott, 2006): Նագի, Բերինգերի և Աբբոթի կողմից պարզվել է, որ ընթերցող աշակերտները նաև քերականորեն են ճիշտ ձևակերպում նախադասությունները և ունեն զարգացած թե՛ գրավոր, թե՛ բանավոր խոսք:

3. Ծրագրի կապը հանրակրթության պետական չափորոշչի հետ

Արտադպրոցական ընթերցանության ծրագիրը սերտորեն կապված է հանրակրթության պետական չափորոշչի հետ: Մասնավորապես՝ ծրագրին մասնակցող աշակերտը կկարողանա.

- Հասկանալ կարդացած տեքստը և մատնանշել պատմվող դեպքերի հաջորդական ընթացքը,
- Առանձնացնել տեքստում գլխավոր միտքն արտահայտող, հերոսներին բնութագրող բառերը, նախադասությունները,
- Կազմել տեքստի պլանը, վերաշարադրել տեքստն ըստ պլանիկամ ստեղծագործաբար,
- Կարդալ ընտրովի հատվածներ, բացատրել ընտրությունը,
- Բացատրել անձանոթ բառերը բառարանի օգնությամբ, գտնել տեքստում հանդիպած բառերի հոմանիշները, հականիշները,
- Կազմել տեքստի պլանը պարզ նախադասություններով, հարցական նախադասություններով, բառակապակցություններով,
- Գտնել տեքստի բանալի բառերը նախադասությունները, բացատրել ընտրությունը:

4. Ծրագրի նպատակները

1. Ներկայացնել ընթերցած գեղարվեստական նյութի հիմնական գաղափարը և երկրորդական գաղափարները,
2. Հարստացնել բառապաշարը, զարգացնել բանավոր խոսքը,
3. Չարգացնել կարդալու և գրելու կարողությունները,
4. Արժևորել ընթերցանության դերը սեփական մտքերը, զգացմունքներն, կարիքներն ու ցանկությունները արտահայտելու հարցում:

5. Վերջնարդյունքները

- Արտահայտել մտքերը պարզ, հասկանալի՝ հավատարիմ մնալով թեմային,
- Ձևակերպել հարցեր լսածի, տեսածի, զգացածի, ընթերցածի, իրեն հետաքրքրող հարցերի մասին,
- Ունկնդրել գրական և ոչ գրական տեքստեր, պատասխանել հիմնական բովանդակության վերաբերյալ հարցերին:
- Հասկանալով և պահանջվող արագությամբ ընթերցի արձակ և չափածո գրական տեքստեր, բացատրի որոշ բառերի իմաստը համատեքստում:
- Արտահայտել ունկնդրածի կամ ընթերցածի վերաբերյալ հույզերն ու մտքերը գրավոր/բանավոր խոսքի, ինչպես նաև ժեստերի, դիմախաղի, մարմնի լեզվի միջոցով:
- Ճանաչել բառը որպես պատկերավորման միջոց:
- Խոսքի մեջ առանձնացնել հոմանիշ և հականիշ բառերը:
- Արժևորել մայրենի լեզվի դերը իր կյանքում, հաղորդակցվելիս պահպանել ուղղախոսական կանոնները:

6. Պահանջվող նյութատեխնիկական բազա

- Գրքեր
- Աշխատանքային ձևաթղթեր
- Գուճավոր մատիտներ/մարկեր
- Ֆլիպչարտ
- Պրոյեկտոր
- Համակարգիչ

7. ԹԵՄԱՏԻԿ ՊԼԱՆԱԿՈՐՈՒՄ

(շաբաթական 2 ժամ, տարեկան 68 ժամ)

Կիսամյակ I

Հ/Հ	ԲՈՎԱՆԴԱԿՈՒԹՅՈՒՆ	ՆՊԱՏԱԿ	ԺԱՄԱՔԱՆԱԿ	ՆՇՈՒՄՆԵՐ
1.	Զոան Ռոուլինգ «Հարի Փոթերը և փիլիսոփայական քարը»	<ul style="list-style-type: none"> • Ներկայացնել ընթերցած գեղարվեստական նյութի հիմնական գաղափարը • Հարստացնել բառապաշարը, զարգացնել բանավոր խոսքը • Չարգացնել բանավոր և գրավոր խոսքի հմտությունները • Հետաքրքրություն և սեր առաջացնել արկածային և ֆանտաստիկ գրականության հանդեպ • Չարգացնել վերլուծելու կարողությունը 	7 ժամ	
2.	Ռոբերտ Լուիս Ստիվենսոն «Գանձերի կղզին»	<ul style="list-style-type: none"> • Ներկայացնել ընթերցած գեղարվեստական նյութի հիմնական գաղափարը • Հարստացնել բառապաշարը, զարգացնել բանավոր • Հետաքրքրություն և սեր առաջացնել արկածային գրականության հանդեպ • Վերլուծել դրական և բացասական կերպարին 	7 ժամ	
3.	Զաննի Ռոդարի «Զիպոլինոյի արկածները»	<ul style="list-style-type: none"> • Ներկայացնել ընթերցած գեղարվեստական նյութի հիմնական գաղափարը • Հարստացնել բառապաշարը, զարգացնել բանավոր խոսքը • Նպաստել այլաբանորեն ներկայացված գեղարվեստական երկի ճիշտ մեկնաբանությանը <p style="margin-left: 20px;"><input type="checkbox"/></p>	6 ժամ	

4.	Մարկ Տվեն «Թոմ Սոյերի արկածները»	<ul style="list-style-type: none"> • Ներկայացնել ընթերցած գեղարվեստական նյութի հիմնական գաղափարը • Հարստացնել բառապաշարը, զարգացնել բանավոր և գրավոր խոսքը • Հետաքրքրություն և սեր առաջացնել արկածային գրականության հանդեպ • Չարգացնել վերլուծելու կարողությունը 	6 ժամ	
5.	Ջեյմս Մեթյու Բարրի «Փիթեր Փեն»	<ul style="list-style-type: none"> • Ներկայացնել ընթերցած գեղարվեստական նյութի հիմնական գաղափարը • Հարստացնել բառապաշարը, զարգացնել բանավոր խոսքը • Հետաքրքրություն և սեր առաջացնել արկածային և ֆանտաստիկ գրականության հանդեպ • Չարգացնել վերլուծելու կարողությունը 	4 ժամ	
Ժամանաքանակ՝ 30				

Կիսամյակ II

	Բովանդակություն	Նպատակ	Ժամաքանակ	Նշումներ
6.	Զեյնա Մեթյու Բարրի «Փիթեր Փեն»	<ul style="list-style-type: none"> • Ներկայացնել ընթերցած գեղարվեստական նյութի հիմնական գաղափարը • Հարստացնել բառապաշարը, զարգացնել բանավոր խոսքը • Հետաքրքրություն և սեր առաջացնել արկածային և ֆանտաստիկ գրականության հանդեպ • Չարգացնել վերլուծելու կարողությունը 	3 ժամ	
7.	Ռոալդ Դալ «Չարլին և շոկոլադի գործարանը»	<ul style="list-style-type: none"> • Ներկայացնել ընթերցած գեղարվեստական նյութի հիմնական գաղափարը • Հարստացնել բառապաշարը, զարգացնել բանավոր խոսքը • Հետաքրքրություն և սեր առաջացնել արկածային և ֆանտաստիկ գրականության հանդեպ • Չարգացնել վերլուծելու կարողությունը 	7 ժամ	
8.	Անտուան դը Սենտ – Էքզյուպերի «Փոքրիկ իշխանը»	<ul style="list-style-type: none"> • Ներկայացնել ընթերցած գեղարվեստական նյութի հիմնական գաղափարը • Հարստացնել բառապաշարը, զարգացնել բանավոր խոսքը • Նպաստել այլաբանորեն ներկայացված գեղարվեստական երկի ճիշտ մեկնաբանությանը 	7 ժամ	





9.	Վիլյամ Սարոյան «Մայրի՛կ, ես սիրում եմ քեզ»	<ul style="list-style-type: none"> • Ներկայացնել ընթերցած գեղարվեստական նյութի հիմնական գաղափարը • Հարստացնել բառապաշարը, զարգացնել բանավոր խոսքը • Հետաքրքրություն և սեր առաջացնել օտարազիր հայ գրողների ստեղծագործությունների նկատմամբ • Չարգացնել վերլուծելու կարողությունը 	7 ժամ	
9.	Ա. Լինդգրեն «Էմիլը Լյոնեբերգայից»	<ul style="list-style-type: none"> • Ներկայացնել ընթերցած գեղարվեստական նյութի հիմնական գաղափարը • Հարստացնել բառապաշարը, զարգացնել բանավոր խոսքը • Նպաստել սովորել սովորելու և լեզվական գրագիտություն կարողունակությունների զարգացմանը • Հետաքրքրություն և սեր առաջացնել արկածային գրականության հանդեպ • Չարգացնել վերլուծելու կարողությունը 	7 ժամ	
10.	Ֆրենսիս Էլիզա Բարնեթ «Խորհրդավոր պարտեզը»	<ul style="list-style-type: none"> • Ներկայացնել ընթերցած գեղարվեստական նյութի հիմնական գաղափարը • Հարստացնել բառապաշարը, զարգացնել բանավոր խոսքը • Նպաստել սովորել սովորելու և լեզվական գրագիտություն կարողունակությունների զարգացմանը • Հետաքրքրություն և սեր առաջացնել արկածային գրականության հանդեպ • Չարգացնել վերլուծելու կարողությունը 	7 ժամ	
Ընդհանուր՝ 38 ժամ				




9. ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ, ՀՂՈՒՄՆԵՐ

1. National Reading Panel. (2000). Teaching Children to Read: An Evidence-Based Assessment of the Scientific Research Literature on Reading and Its Implications for Reading Instruction. National Institute of Child Health and Human Development.
2. Cunningham, A. E., & Stanovich, K. E. (2001). What reading does for the mind. *Journal of Direct Instruction*, 1(2), 137-149.
3. Nagy, W. E., Berninger, V. W., & Abbott, R. D. (2006). Contributions of morphology beyond phonology to literacy outcomes of upper elementary and middle-school students. *Journal of Educational Psychology*, 98(1), 134-147.
4. www.wabisabilearning.com/blog/12-strategies-teaching-critical-thinking-skills
5. **Think literacy:Cross-Curricular Approaches, Grades 7-12**
6. <http://www.adlit.org/pdfs/strategy-library/doubleentryjournal.pdf>

9. Հավելված նյութեր

1. Կարդալիս քո նոթատետրում գրառումներ ր արա հետևյալ կետերի մասին.

	<p>1. Տեքստի այս հատվածի մասին հարց ունեմ. արտագրի՛ր այդ հատվածը կամ նշի՛ր հատվածի էջն ու քո հարցերը:</p>
	<p>2. Աստղով նշի՛ր այն հատվածները, որոնք շատ կարևոր ես համարում և անպայման պետք է հիշես: Արտագրի՛ր կամ գրի՛ր այդ հատվածների էջերը քո նոթատետրում:</p>
	<p>3. Դո՛ւրս գրիր նոթատետրում նոր բառեր ու արտահայտություններ պարունակող հատվածներ և ընգզծի՛ր բառերն ու արտահայտությունները:</p>
	<p>4. Դո՛ւրս գրիր նոթատետրում այն հատվածները, իրավիճակները, որոնք քո մասին են և դու ինքդ նման զգացումներ ես ունեցել իրականում կամ եղել ես նման իրավիճակներում: Ի՞նչ հույզեր ու զգացումներ ես ունենում այդ հատվածը կարդալիս:</p>

	<p>5. Արտագրի՛ր արտահայտություններ, թևավոր խոսքեր կամ հատվածներ, որոնք շատ ես սիրում:</p>
	<p>6. Արտագրի՛ր հետաքրիիր տողեր:</p>
	<p>7. Առանձնացրո՛ւ 3 կարծիք և 3 փաստ քո կարդացած հատվածից և նշումնե՛ր արա դրանց մասին նոթատետրում:</p>

2. Կրկնակի գրառմամբ օրագիր

Ընթերցելու ընթացքում աշակերտը ընտրում է արտահայտություններ, նախադասություններ, որոնք համարում է բովանդակալից կամ հետաքրքիր, այնուհետ գրում է, թե ինչու՞ է առանձնացրել հենց այդ հատվածը (դիտարկում, հարց, վերլուծություն)

Տեքստի Էջը	Հատված տեքստից	Իմ մտքերը հատվածի մասին

3. Կողմ/դեմ՝ ընթերցածի քննադատական վերլուծություն

Ընթերցանության համար օգտագործվող գործիք: Աղյուսակում գրված են լինում այնուամենայն էլ ընթերցողը ընդգծում է կողմ/դեմ մինչև ընթերցելը և ընթերցելուց հետո, այնուհետև կարելի է քննարկել նաև ինչ տարբերություններ առաջացան կողմ/դեմ-ի շուրջ ընթերցելուց հետո:

Մինչ ընթերցելը	Պնդում	Էջ #	Ընթերցելուց հետո
Կողմ/Դեմ			Կողմ/Դեմ
Կողմ/Դեմ			Կողմ/Դեմ
Կողմ/Դեմ			Կողմ/Դեմ

4. Փաստ-կարծիք

Այս աշխատաթերթիկը օգնում է փաստի և կարծիքի տարբերակմամբ: Փաստը կարող է լինել ճիշտ կամ սխալ: Կարծիքը զգացմունքների կամ տեսակետների արտահայտությունն է և հիմնականում դժվար է որոշել դրա ճիշտ կամ սխալ լինելը: Ուսուցիչը գրառում է Նախադասություններ, որոնք փաստ են կամ կարծիք, ապա բաժանում է աշակերտներին առաջարկելով ընտրել, որն է փաստ, որը կարծիք: Աշակերտները կատարում են նշում՝ ընտրելով փաստ կամ կարծիք, ապա փաստի դեպքում բացատրում են, թե ինչպես է հնարավոր ապացուցել, իսկ կարծիքի դեպքում ինչու հնարավոր չէ ապացուցել: Առավել արդյունավետ դարձնելու համար կարելի է նաև ծավալել քննարկում կազմելով զույգերը և համեմատելով պատասխաններն ու մեկնաբանությունները:

#	Նախադասություն	Փաստ	Կարծիք	Պատճառաբանություն/մեկնաբանություն
1.				
2.				
3.				
4.				

5. Գրքերի հետաշխատել ու հնարավոր մեթոդներ/եղանակներ

- **Հորինել հարցախույզ**-աշակերտները կազմում են թեմայի շուրջ հարցեր և աշակերտների գնահատումը իրականացվում է այդ հարցերի միջոցով:
Ուսուցիչը կարող է նաև դիտարկել հարցերի բովանդակությունը մինչ դրանց կիրառումը:
- **Դրամատիկական բեմականացում**-գեղարվեստական ստեղծագործության հիման վրա աշակերտները մշակում են սցենար:
- **Բլոգի ստեղծում և օգտագործում**- աշակերտներին հանձնարարվում է ունենալ իրենց բլոգը, որտեղ տեղադրում են իրենց առարկայական հանձնարարությունները, որոնք կարող են ունենալ լրագրային հոդվածի կամ ինչ-որ թեմայի ուսումնասիրման մասին տեղեկատվություն: Նպաստում է աշակերտների գրավոր խոսքի զարգացմանը, ինքնուրույն դատողությունների ձևավորմանը և տարբեր թեմաների ինքնուրույն ուսումնասիրությանը: